

CAPUT XVI.

KUMUDVATIS NUPTIÆ.

1. DEINDE reliqui septem RAGHUIDARUM heroes KUSAM, qui et ortu priore et virtutibus suis inter omnes excellebat, summæ majestatis participem fecerunt: nam amor fraternus per totam illorum familiam propagabatur.

2. Illi, quamquam pontes construendo, quæstu, elephantis captis, aliisque operibus haud sterilibus pollebant, terræ unicuique attributæ fines, veluti oceani oras suas, haud transgrediebantur.

3. Illorum, a benefaciendo haud desistentium familia, a VISHNUIS partibus oriunda, æque ac elephantorum divinorum stirps, e *Sāmaveda* orta, in octo partes divisa erat.

4. Aliquando KUSAS in cubiculo dormitorio, ubi lucerna immota flamma ardebat, reliquis hominibus dormientibus expergefactus feminam vidit, antea non conspectam, vestitam ut mulier, cujus maritus abest.

5. Accedens ad eum, ut vir probus felicitate regia fruente, INDRÆ splendore præditum, hostium victorem, propinquis gaudentem, victoriam ei precata supplex manus junxit.

6. Tum RÁMÆ filius stupefactus, superiorem corporis partem e lecto erigens, illam, quæ claustris non reclusis, veluti umbra in speculi superficiem, domum ingressa erat, sic allocutus est:

7. “Introitum invenisti in domum clausam, neque tamen ea, quam devotio tribuit, potestate prædita videris. Mœrentis speciem geris, veluti lotorum copia onus nivosum.

8. “Quænam es, fausta? cujusve uxor? quam ob caussam me aggressa